

Räge, Rägeträpfli

1. Räge, Rägeträpfli,
es ragnet uf mis Chöpfli.
Wänns ragnet werded d Blüemli nass
und ali Steindli uf de Strass.
Wänns ragnet werdet d Blüemli nass
und ali Steindli uf de Strass.



Jetzt falled d Blettli wieder

1. Jetzt falled d Blettli wieder,
de Summer isch verbii.
Und d Schwäbli flüüged alli furt,
mir wüssed nöd wohii.
2. Leer sind alli Felder
und dBlüemli schlafed bald.
Stille wird's im ganze Land,
nur einsam staht de Wald.
3. Kein Sommervogel tanzed
Es isch scho chalt und grau
Und dSunne hed en Schleier ah,
vo Nebel dick und grau.
4. Leb wohl du schöne Summer,
Du settisch nanig gah.
Wennt über sJahr den wieder chunsch,
Denn simmer alli Froh!



Mis Rääbeliechtli

1. Ich bin mit mim Rääbeliechtli
unterwegs hüt z`Nacht.
Und ich lüüchte wie das Licht,
wo alles heller macht.



Räbeliechtli, Räbeliechtli

1. Räbeliechtli, Räbeliechtli,
wo gasch hii?
I de dunkle Nacht,
ohni Stärneschii,
do mues mis Liechtli sii.
2. Räbeliechtli, Räbeliechtli,
wo bisch gsii?
Dur d' Strass duruuf
und s' Gässli ab,
gäll, Liechtli, löscht nid ab.
3. Räbeliechtli, Räbeliechtli,
wenn gohsh hei?
Wenn de Biiswind chunt
und mir s Liechtli löscht,
denn gani wieder hei.



Marini, Maruni, Maroni

1. Marini, Maruni, Maroni,
die chaufed mer immer bim Toni
er schnid en Schlitz und denn chunt dHitz,


Marini, Maruni, Maroni
Marini, Maruni, Maroni

2. Sinds ächt scho parat oder nonig
Er tuet mer verzelle,
wies goht mit em Schellä.

Marini, Maruni, Maroni
Marini, Maruni, Maroni,

3. Jetzt hani mis Pack und jetzt gahni.
Sind heiss ich weiss,
und nimm glich eis.

Marini, Maruni, Maroni.
Marini, Maruni, Ma-mmmmhh...



Ich gang mit miner Laterne


1. Ich gang mit miner Laterne
und mini Laterne mit mir.



Am Himmel lüchtet dSterne,
do unne lüchtet mir.
De Güggäl chräit und dChatz miaut,
eh, eh, eh,
la bimmel, la bammel la bumm.

Zäh chlini Gspengstli

1. Zäh chlini Gspengstli flüüged uuf und ab,
zäh chlini Gspengstli findet das ganz glatt.
Zäh chlini Gspengstli flüüged hii und her,
zäh chlini Gspengstli findet das ned schwär.
Zäh chlini Gspengstli flüüged zringseum,
zäh chlini Gspengstli findet das nöd dumm.
Zäh chlini Gspengstli gönd ich ihres Versteck,
zäh chlini Gspengstli sind uf eimal weg!



1,2,3,4,5,6,7,8,9,10,11,12, Geischerstund Huuuuuuu
